

Abonnement pour un an

250 piastres


Adresse:

Idjtihad Constantinople

Téléph: St. 865

XVIII^{me} ANNÉE

1 Sept.:1923 — No. 157



اجتهاد

حياتی، فلسفی، اجتماعی فکر غزته سی

آبونمان: سنه لکی [۲۴] نسخا

داخل ایچون ۲۰ خارج ایچون

۲۲ لیرادر .

اداره خانه سی

جفال اوغلنده « اجتهاد ثوی »

تلفون: استانبول ۸۶۵

«اون طقوزنجی سنه تأسیسیه»

نومرو ۱۵۷، ۱ ایلول ۱۹۲۳

منزوع یرلر کینیشله دکجه اورمانلر اوفالاش و نهایت ،
 زراعته اولویریشلی اولمیان یرلرده و اکثریتله عارضه لی
 وطاعلق اراضیده قالمشدر . دیکز طرفدن کراسسته
 چیقارمق و اودون کسمک ده متماذیا اورمانلرک خراب
 اولماسینه خدمت ایتمشدر . اورمانلر لایقیله محافظه
 ایدیله مدیکنندن بونک فائده لریخی بیلیمین کویلورلک ایقاع
 ایتدیکلری تخریبانه نهایت تصور ایدیله منر . بر صابان
 آغاجینه ویاطامینک اوزرینه قویغی ایچون ، بر خارطامایه
 احتیاجی اولان کویلو آلتش یتیش سنه ده یتیشه بیلن قوجا
 برچام آغاجینی ده ویرمکدن تحاشی ایتمز . بر یایلا اوی ،
 اوچلریندن کرتیلوب اوست اوسته قونولان یکپاره
 آغاجلرله یاییلدیغندن عادی بر قولبه ایچون برچوق آغاج
 کسمک لازم کلیر . داها اوتنده تخته چی یوروکلری
 بیلدیکلری کبی کراسسته یاپار وکوزینه کسیدر دیکلری
 آغاجی کسوب ده ویریرلر . چوبانلر فنا بر عادتلری ده
 زیاده اوت کتیرمک ایچون اورمانلرده ناجلرک آلتلرینده کی
 قورو اوتلری طوتوشدورمالریدر . و یوزدن ده ایقاع
 ایدیلن یاغینلردن کورونن ضررلری دوشونمک پک
 فجیعدر . فی الحقیقه حکومت اورمانلری تخریبیدن قورومق
 ایچون بعضی تدبیرلر دوشونمش ایسه ده بونلردن امید
 ایدیلن فائده لر کوروله مه دی و اورمان قانونینک مجلس
 مبعونانن چیقاریلماسی ممکن اولامادی . اورمان مدیریت
 عمومی سهی منحصراً فته حاند ایشلرله مشغول اولمق ،
 اورمانلرک قاداسترو خریطه لریخی یاپدیرمق لازم کلیر کن
 بعضاً تخصیصاتک فقدانیندن وچوق دفعه وظیفه نک یا کلیش
 آکلاشیلماسندن طولانی مالییه حاند رسومک جباتیله
 مشغول اولدی . . . نهایت اورمانلرک فائده لری و لزوم
 محافظه لری آکلاشیلدینی زمان بوراده تعداد وایضاحی
 قابل اولمیان برچوق سببلردن طولانی ، فائده لی برایش
 کوروله مه دی . آنادولینک شرق اورتا ولایتلرنده
 اورمانسزلقدن کورولن مشکلات بی پایاندر : اودونک
 مبذول بولونمادی یرلرده حیوانلرک کوبره لری محروقات
 یرینده قوللانیلدیغندن تارلارله کوبره ویریلک وبوسایه ده
 چوق وایی حاصلات آلمق ممکن اولامایور . کوبره ایله

جنازه بی کمال حرمت و آداب ایله سلاملا مشلر بونی کورن
 ذات بکا « کاوور » [اردن بردرس ادب آلدیم « دییه بونی
 آکلاتدی . حالبوکه بزم کتابلرده جنازه بی حرمت فرص
 کفایه در . جنازه بی بر مقدار تعقیب و تشییع ایتک لازمه
 ادب و تربیه در . ایشته بویله مدنی شیرلی خوجالر سویله منر .
 لرکه خلغمز دخی اوکر نسینلر . کچنلرده ینه واپورده
 المده غزته اوقورکن یاغمه ده بر کتاب قویمش ایدیم .
 تا قارشیدن بری کلدی کتابی آلدی یرینه اوطوروب
 اوقومایه باشلادی . آرقه دن بنده کیتدم کتابی اوقومق
 ایچون آلدیغمی و اوقویاغمی سویله دم . اوقومیوردیکز
 بوشدی ، اونک ایچون آلدیم « دیدی . بنده دیدم که
 اوقوییم اوقومییم کتاب بنمدر ، اونی املق حقمه تجاوزدر
 بونک اوزرینه اوتنه دن بری « نه اولور کتابکزی یمه دی یاه
 دییه سینمی ؟

آرتق حق ، حقوق مفهومی فاصل تلقی ایدنلر
 آره سنده بولوندیغمی آکلادم . یرمه کلدیم . ایشته شو
 مشاهده لر یوقاریکی ملاحظه بی تولید ایتدی اقدیم .
 نجیب عاصم

محاضرات زراعیه
 ۳

اورمانلرک زراعتده کی فائده لری

بوندن اولکی مقاله مزده آنادولی اقلیمینک قوراقلغندن
 بحث ایتیش و بونک اورمانسزلقدن ایله ری کلدیکینی
 سویله دیکدن صوکراده ، اُسکیدن موجود اولان
 اورمانلرک تارلا آحق مقصدیله تخریب ایدیش اولدیغی ده
 آکلاشمدق ، اُسکی زمانلرده ، دنیانک باشقاملکتلرینده
 اولدینی کبی ، آنادولینک برچوق یرلری واسع اورمانلرله
 مستور ایدی . انسانلر ، توپراغک یتیشدیردیککی محصوللر
 ایله حیاتلرینی تأمین ایشدیکلری کوندن اعتبار آ بو
 اورمانلری کسمه بیه باشلامشدر . بونک نتیجه سی اولارق

[*] « کاوور » کله سی ، ایرانده تورک لرک ایلاک تاس
 ایتدیکاری « کبر » لردن قالما و کبر کله سنک محفیدر . فقط تورکلر
 بونی کندی دینلرنده بولونمایان لره تعجم ایتشلردر یعنی ظن
 اولوندینی کبی اصلا تحقیری متضمن دکلدیر . ع .

و نهایتاً سوء استعمال ره میدان ویریلدیکنی کوروریز .
 فی الحقیقه اورمانلرک زراعت ، واقتصاد و صحت کبی مهم
 موضوعلرله علاقه دار اولدیغنی هرکس بیلیر . آغاچدن
 عاری بر مملکتده مدنیت تأسس ایدمه ز . اورمانلرله
 حیات و معیشتک کونا کون و احتیاجلری آراسینده کی
 رابطه لر و مناسبتلر صایلا مایاجق قدر چوقدر . آغاچک
 بر جوق صنعتلرده قوللاندیغنی اوزون سوزلرله ایضاچه
 لزوم یوقدر . بر مملکتده بدیی و شاعرانه منظره لر ویرن
 آغاچلرک حیات اقتصادیه و تجاریه ده کی اهمیتیه ده پک
 بویوکدر . جمعیات بشریه نک ، مدنیتک و صنایعک تأسیسنه
 و دوام حیاتیته اوزاقدن و یاقیندن پک مهم تاثیرلری اولان
 اورمانلرک ، بر مملکتک اوصاف اقلیمیه و شرائط زراعیه .
 سندده باشلیجه بر عامل اولدیغنی اونونماق لازم کلیر .
 هواده بخار حالنده بولونان صو ، تکائف ایتدیکی
 زمان یا غموره ، چیکه ویا قاره تحول ایدره یه دوشر .
 کونشک ویردیکی حرارتله بونلرک بر قسمی تکرار
 بخاره انقلاب ایله هوایه اوچار ، یرده قالان یاشلقدن ده
 آغاچلر و اوتلر استفاده ایدره . توپراقلرده بولونان
 و اوبلرک ترکیبده داخل اولان عناصر انباتیه نک کوکلرله
 جذب اولونایلمه سی ایچون بونلرک صوده اریمه سی
 لازمدر . هوانک و طوپراغک قوراق کیتدیکی بیللرده
 خدایی نابت اوتلرک ، چاپیرلرک و تارلارله اکیلن شیلرک
 لایقيله بویومه مه سی بو عناصرک انحلالی ایچون طوپراقده
 لازم اولدینی قادار یاشلغک بولونما سندن ایله ری کلیر .
 ذاتاً بر تارلابی سوروب ایشله مکده کی اک مهم مقصد ،
 طوپراغک یا غمور صولرینی کوزه لجه صاقلایبیللمه سی
 تأمین ایتمکدن عبارتدر . ایشلنمه مش بر طوپراغه
 ایشله یه بیلن صویک مقداری سورولش ویا بللنمش بر
 طوپراغک ایچه بیله حکمی صویه نسبتله پک آزدرد . شدتلی
 و سورده کلی یا غمورلر ، سرعتله اریین قار صولری
 ایشله نمه مش طوپراقلرک اوزریندن آقوب کیده ر و بویله
 بر یرک یوزی صو ایله پک چابوق مشبوع اولاجنی ایچون
 طوپراقده لازم اولدینی قادار صو ایچه مه مز . طوپراقلرک
 محافظه ایدمه دیکی یا غمور و سیل صولری دره لره ،

ایصیدیلان تاندیرلرده پیشیریلن ولاواش ، دینلن اینجه
 پیده لری بین بر آدم بونلر ه سینن فنا قوقودن بزار اولور .
 قیش موسمنده بوتاندیرلری ایصیتیمق قولای اولمادیغندن
 کویلو بوموسمده پییه جکی لاواش لری یازدن پیشیروب
 حاضر لامایه مجبوردر ! . حال ووقتی یرینده اولان
 حائله لرک صاندیقلرده صاقلایق لری الیسه لریله اطرافه
 یانیق کوبره قوقوسی نشر ایدره . کوبره طوپراقمق
 ایچون کوجوک چو جوقلرک یوللرده حیوانلرک آرقاسندن
 قوشوشدوقلرینی کورمک قادار مزعج یر حال تصور
 اولونماز . واسع اووالر آغاچسزلقدن بر چولک قسوت
 بخش ویکنسق منظره سیفی عرض ایدره . طاشیدن
 واکثریا کر یچدن پایلان خراب و سفیل اولرک اوزاقدن
 کورونشی نه قادار حزن آنکیزدر ! . (کردستان) طرفلرینده
 هر آغاچک آلتنده اعزه دن بر ذاتک مدفون اولدیغنی
 بیلدیرن بر طاش ویا بر اشارت واردر . بویله هر آغاچک
 بر « یاتیر » سایه انداز اولماسی ، کونک صیجاق زمانلرینده
 سورولری بر کولمکده باریندیرمایه مجبور اولان چوبانلرک
 بر صینه لریندن باشقا بر شی ده کیلدر . فقط ، هر نه
 اولمش ایسه اولمش و آنادولیده اورمانلرک بویوک بر قسمی
 تخریب ایدیلشدر . حرب عمومیدن اول ، موقت بر
 قانون ، ساده جه بر قرارنامه ایله صوک بر ثروت اولان
 (بولی) و (قسطنونی) اورمانلری ده آلی سنه مدتله بر ماجار
 شرکینه احاله ایدیلشدی ! . اورمانلردن بحث اولوندینی
 زمانده ، علاءالدین پاشا آدینده بر متصرفک ، و قتیله
 (مغنیا) شهری اوزرینده کی طاغاه التجا ایدن بش اون
 شتی بی اوراده بارینمقدن منع ایدمه بیللمک مقصدیه بوطاغی
 باشند باشه قاپلایان قوجامان بر اورمانی اهاییه دورت
 طرفدن آتش ویردیروب یاقیدردیغنی خاطر لاقمقدن
 خالی قالم ! . بو اورمان یاندیقندن صو کر مغنیا اوواسینک
 شرائط اقلیمیه سی و بوکاتبعا اوصاف زراعیه سی بوزولدیغنی
 (مغنیا) لی اختیارلر بیلیرلر .

اورمانلرک محافظه سی بوکونک و یارینک اک مهم
 رمشکل مسئله سیدر ، و هانکی نقطه نظر دن باقیلاجق
 اولورسه اورمانلرده کی قطعیاتک افراطه واردیریلدیغنی

اطرافده متعدد بیکارلر میدان چیقار، آجیق یرلره یاغان یاغورلردردن نهرلره و بورادن ده دکیزه قدر کیده ر . تارلارلی یوزان واکینلری باتیران ، کویلری باصان ، کویرولری آلوب کوتورن سیلار اورمانسز مملکتلرده چوق کورولور . بویله بر مملکتدن کچن بر شوسه دانما فیضانلره ، یقیقتیلره معروض اولور . اوپر دوزی به بوزولور . آغاجسز بر طاغه ویا طارضه لی یرلره دوشن یاغورلردن حصوله کلن سیلار بورالده راست کلدکلری ایجه طوپراقلری طوپارلابوب دره لره ایندیریرویاناقلرک میلانمه سندن ، یعنی چامور ، قوم ویا چاقیل طاشی ایله طولماسندن صولر قاپاروب اطرافده کی دوز یرلره یاییلر . حاصلاتی بوزار وشوراده بوراده ایرکیلوب طوبلانان صولر تعفن ایدرک های مرزغی (کول ایصیتاسی) کی نسلی قتلاشدبران وهر سنه ییکلرجه آداملرک هلاک اولمالرینه سببیت ویرن خسته قلرک ظهورینه بادی اولور .

اورمانلرک اوصاف اقلیمیه اوزرینده کی تأثیراته کلنجه : بویله بر مملکته ، آجیق و آغاجدن عاری یرلره نسبتله ، داها چوق یاغور دوشدیی محققدور . آغاجسز طوپراقلرده تخرک داها زیاده اولدینی ده تجربه ایدلمشدر . قارلر دخی اورمانلرده ده کیچ آریر ، چوق اورمانلی بر مملکتک اقلیمی داها صوئوقدر . وهواده صوبخارینک مقدازی داها زیاده در . اورمانلرک ، روز کارلرک شدتی تعدیل ایتدیکی معلومدر . اورمانلره جوار اولان یرلرده اکیلن حبوبات . ایلك بهارک قوروتیجی روزکارلرینک تأثیرندن مصوندر . بونک ایچون بعض مملکتلرده اُک چوق روزکار اسن طرفلره صیرا واری آغاجلر دیکمک عاتدر . اورمانلرک ، آجیق یرلره قسبتله ، داها زیاده حرارت صاقلاماسی وداها بطائله صوئوماسی ده پک قائده لی در . اورمانلرک تخریب ایدلمش اولدینی مملکتلرده یازلری صیجاق وقیشلری صوئوق داها مؤثر اولور . اُسکی زمانلرده پک چوق حاصلات ویریرکن بوکون قوراقدن همان هیچ یرشی یتیشدیرمه یین بعضی مملکتلرک اوصاف اقلیمیه شرائط زراعیه لرینده کورولن بوتحولک اسبابی اورمانلرک کسيلمه سنه عطف ایدیایور . براورمان مملکتک اقلیمی دکیشدیره من . فقط هر ارتک ورطوبت

چایلره ونهایت نهرلره کیده ر و بورادن ده دکیزلره دوکولور . طوپراقلره کچن سولرده داها آلت طبقه لره اینر و بورالده صوبی کچیرمه یین بر طبقه تصادف ایدیجه بیریکوب تحت الارض بر کوچوک کول حالینده قالیر . اُک صوکرک بر بیکاردن آقان صولر بو غیر قابل نفوذ طبقه نک یا کلریندن صیزوب سطح ارضه چیقان صولردر . بو صولردن ایچمک ، تارلارلی و باغچه لری صولامق ، طاش ده کیرمنلری چویرمک و بعضی یرلرده قوه محرکه استحصال ایتک ایچون واسع مقیاسده استفاده ایدییر . بر مملکتک صولری تدقیق اولرناجنی صیراده یالکسز هر سنه یاغان یاغورک وقارک مقداری بیلیمک کفایت ایتمه ؛ بوندن باشقا طوپراقلرک قوه امتصاصیه سی درجه سینی ، یعنی بو یرلرک نه قدار صو ایجه بیله جکیفی ده آکلامق لازم کلیر . بوکا اُلریشلی برطوپراقد صولر آلت طبقه لره داها چوق مقدارده اینر و بورادن صوکرکده بر چوق یرده میدان چیقان بیکارلردن چیقوب آقار . شوراسی تمامیه آکلاشلمشدرک ، اورمانلری و آغاجلری چوق وصیق اولان یرلرک یاغور و قار صولری ایچمه سی و بو صولری آلت طبقه لره ایندیرمه سی قابلیتی ، مزروع یرلره نسبتله چوق زیاده در . اورمانلرده یاراقلرک و انقراض عضویه نک چورومه سندن حاصل اولان وزراعت علمینده [هوموس] دینیلن سیاه رنگلی طوپراقلرک اغیرلینک همان ایکی قاتی یا شلق صاقلا دینی محققدور . دیگر طرفدن ده آغاجلرک آلت طبقه لره طوغرو اوزایان کوکری صولرک بورالره داها قولایلقله صیزماسنه یاردم ایدر . آجیق برلرک بالعکس چابوق مشبوع اولور . وفضله صو صاقلاما طارضه لی یرلردن دصولرک سرعتله آقوب کیتد یکی ده هر کسک بیله یی برشی در . یاغورلرک اُک چوق وشدتی دوشدیی موسملرده بیله ، اورمانلرک طوپراغی بو صولری کاملاً ایچر و طیشاری به برشی چیقارماز . حال بوکه آجیق یرلره دوشه جک برشدتی ویا سورده کلی یاغموری متعاقب خندقلرک صوایله طولدیغنه هر کس دقت ایتمشدر تارلارک آرارلنده کی خندقلردن آقان و جفتجیلر آراسنده (قارا صولوق) دینیلن موقت منبعار ایشته بو صولردن باشقا برشی دکیلر . اورمانلره دوشن یاغورلردن

پارلمنتو اعضاسنك بو يابده كي مصونيتلری اشكالی اونه دنبری ، هان هان تام بر امتياز ماهيتنده ایدی . بو مصونیت انكلیز پارلمنتوسی اعضاسنك يالكلز شخصلرینه منحصر دكل ، بلكه زوجه وعيالننده كي ديكر اشخاصه ، اموال وعقارینه قدر شامل ایدی .

مع مافیه ، افكار عصریه اوراده ده ، بو صعيح امتيازاتی ياواش ياواش حد لايقته ارجاع ايلشدر .

بو كوف هان بلااستننا بالعموم دول متمدنه موضوعات قانونیه سی مبعوثلری شخصی مصونیت شورائیه لری [*] خصوصاً سندده هم مال كيدر . آرده كي فرق هان هان وضوح و آفات فرقليردر .

شخصی مصونیت شورائیه نك مؤداسی ، بر مبعوثك مساعی تشریعی ده بولنه جفی صره لرده ، اول باول منسوب اولدینی ملت مجلسنك رأی وموافقی آلفمفیزین ، توقیف وتعقیب ومحاكمه ایديله مامسندن عبارتدر .

بزم معدل ۹۳ قانون اساسینك ۷۴ نجی ۱۸۷۵ فرانسیز قانون اساسینك ۱۴ نجی واسکی ۱۸۷۱ آلمان امپراطورانی قانون اساسینك ۳۱ نجی ماده لرده بومصونیت ، « مدت اجتماعیه » قید بمجمله تخصیص ایدلشدر . انكلیز تعامل شورائیه سی ده مصونیت مبعوثانی اجتماعاتك دوا می مدتیه حصر ایلشدر .

آسریقاده ایسه اشبو مصونیت ، مدت اجتماعیه دن باشقه مبعوثك محل مذاكراته كلك واقامتكاه اصلیه عودت ایلك ایچون ایجاب ایدن زمان سیاحتیه ده تشمیل ایدلشدر . [*] نوروچ قانون اساسیه سی ده بو اساسه متمسكدر [ماده ۶۶۲] ۱۸۸۸ حریبه قانون اساسیه سی مبدأ و منتهای مصونیتی بروجه آتی دها واضح بر صورتده تعین ایتشدر . بو قانون اساسینك ۱۲۵ نجی ماده سنك فقره اولای شو شكلده در : « مبعوثه جرم مشهود حالی خارج قالدینی حالده انتخابلری

[*] اساس اعتباریه مصونیت شورائیه نك بری مبعوثلرك شخصلرینه ديكری حريم دارشورایه متعلق ایکی مختلف وجه تجلیسی وارد . برنجیسی مقاله نك موضوعی تشکیل ایديور . ایکنجیسی ایسه محترم حیدر رفعت بكك مذکره لری مقدمه سنده بحث بیوردقلری بزم قانون اساسینك ۴۷ ، فرانسیز قانون اساسینك ۱۳ انكلیز حقوق فرمانك ۹ نجی ماده لرده کوسترلین ، پارلمنتو حريم مذاکره لری صیانت ، ملت وکیللری نك سربستی فال وعملی تأمین ایدهن ، خلاصه کرسی ورأی حریتی تقویه ایلان مصونیتدر . بنابرین ، بوماده لرك موردی اعتباریه مثلا بزم سالف الذکر ۴۷ نجی ماده ده كي [مجلسك مذاكراتی اشنا سنده] تعبیری ویا حقوق فرمانك ۹ نجی ماده سنده كي [پارلمنتوده] قیدینی ، حیدر رفعت بكك کچرکن اشارت ایتدکلری وجهله ، تحذیری کوزمه مك ، وفوقی عدايتك ممکن اولماز صانیرم .

[**] ت. ژنه رسون . تلخیص حقوق شورائیه صحیفه : ۱۲ .

هوانك اعتدال کسب ایتمه سنه واسع مقیاسده خدمت ایدر . اورمانلری حاوی اولان بر مملکتك جیسات هواسی هرکسك نظر دقتی جلب ایتشدر . فقط هندوستانده ، کویانده ویکی کینه ده یعنی اقلیمی صوك درجه ده صبحاق وراطب مملکتلرده كي اورمانلره مخصوص مهلك برخسته اق واردرکه ، بوکا اورمان ایصیتیه سی ، تعبیر ایدیلیر : چونکه بویله لرده انقاض نباتیه ومواد عضویه نك انحلالی زیاده سریع اولور . وبالطبع هوایی بر طاقیم مضر صحت تصعدات ايله حال اشباعه کتیریر . فقط اقلیمی دها معتدل لرده كي اورمانلرك موافق صحت تأثیرلری اولدینی محققدر . اوقالیبتوس آغا جلری دیکلین لرده ایصیتیا هان تمامیه برطرف اولشدر .



محاضرات حقوقیه

۲

مبعوثلرك شخصی مصونیتلری حقنده

قدرتلی مسلک داشم وخواجهم حیدر رفعت بكك کچنلرده استانبول ایکنجی جزا محکمه سنه فالح رفقی و یعقوب قدری بکلرله جناب شهاب الدین وسلمان ظریف بکار آرده سنده متکون دعوی وسیله سیله ، وبردکاری برمذکرده مملکت مزده بك آز ایشلمش بر موضوع حقنده ، مبعوثلرك « مصونیت شورائیه » تعبیریه اداوتلخیص ایدیلن حالت ممتازة حقیقه لری حقنده احواله قلم ایتدکلرینی کوردم . حامی محترمك شو مذکره سی ، فضیلت علمیه لرندن بکلدیكم کبی ، امثالی وثائق معتداده عدلیه به نسبت ، اولدقجه قوتلی حجت وسندلره ، ایجه درین علمی تبدلره مستند ایدی ، فقط یوکسك مسلک داشم ، بومذکره بی بازارکن ، علمك شخص وماده موضوع بحث اولیان سربست ساحه سنده دكل ، بلكه کلفه مدافع لری درعهده ایتدیکی ایکی وکی وکنج مبعوثك حامی مدافعی صفتیه محکمه حضورنده ومقید بر وادیده حرکت ایتدکلرندن ، بالطبع ، مفصل تهزلینه کوکلی ایستدیکی قدر ، بر فسحت وبرماملشدر . ایشه شو مقاله مك سائق تحریری ، رفیق ذی اقتدارمك ، ساحه مدافع ده بالضروره اکسیك بر اقدقلری تبیع علمی بی جبر واکالهن عبارتدر .

* *

فرائسه ده ، مبعوثلرك شخصی مصونیتلری ، انقلاب کبری خلق ایدن ایلک مجلس ملتک سرای ايله ، آشکار محاده به کیدیشدیکی آنده ، ۲۳ حیزران ۱۷۸۹ تاریخلی « قره » ايله موضوع بحث اولدی . بوماده قره به کوره « هر مبعوثك شخصی تعرضدن مصون » عد واعلان ایدیلوردی . انکلتره ده ایسه ،